



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

XXXVII. De verbis Psalm. Hæc est generatio quærentium Dominu[m] &c.

urn:nbn:de:hbz:466:1-39254

hat quemque voluptas, quis explicet: Videas certe eos quicquid adepti sunt parvipendere, non attendere quanto labore & desiderio ea vix tandem consequi potuere: quoniam vilesunt eis omnia præ desiderio minoris fortè rei, quam alteri cœperint invidere.

Et tu ergo non magnopere cogites quæ tibi videris habere, nisi forte interdum, ut gratias agere possis, & te noveris debitorem ei qui dedit: seu gratiæ consolationis, cum id necesse fuerit, ne qualibet ex causa tristiorias. De cætero ea semper magis attende quæ alius habet, tu non habes: quòd hæc cogitatio in humilitate te custodiat, & à descensu tepiditatis elonget, magis autem & accendat desiderio proficiendi. Vide autem quantum è regione malum cogitatio illa parturiat, qua sedulè versas in animo quod tibi habere videris, alterum quempiam aestimas non habere. Hinc enim elevaris in superbiam, dum te præponis alteri. Hinc proficere negligis, dum te magnum quempiam arbitraris. Hinc demum incipis & deficere, dum tibi alterius comparatione etiam nimis egisse videris, sive in tepiditatem incidis, & incipis remissius agere. Scimus autem quia DEUS superbis resistit, humilibus autem dat gratiam^b, & quia maledictus, qui opus Dei negligenter fecerit^c. Beati vero qui esuriunt & sitiunt justitiam: quia si spiritu facta carnis mortificaverimus, vivemus: si vero secundum carnem vixerimus, moriemur.

S E R M O XXXVII.

De verbis Psalmi. *Hæc est generatio quærentium Dominum, quærentium faciem DEI Iacob^a.*

a Psal. 32. b

EDIVERSIS & diversa quærentibus hominum turbis animo fatigatus, quam desideranter ad hunc cuneum hodie spiritum refocillaturus accessi! Gratias Deo, non sum fraudatus à desiderio meo, non frustratus à spe mea. Concupivi videre, vidi, & liquefacta est anima mea. Repletus sum consolatione, superabundo gaudio, omnia interiora mea nomini Domini benedicunt, omnia ossa mea dicunt, Domine quis similis tibi? Nempe prospiciens eminus cum accederem: fateor, videre mihi corporaliter visus sum, quos in spiritu quondam Propheta prævidit, & continuo subiit animum, quod ore ille depromsperat, ut cum eo psallerem dicens: *Hæc est generatio quærentium Dominum*. Multæ sunt generationes hominum, & (nisi fallor) *tertia* ista generatio, quæ nunc viget & appetet in vobis. Prima si quidem generatio nec quærens abhuc Dominum, nec quæsita fuit à Domino: cum in obliuione mentis & reatu iniquitatis unumquemque genuit mater sua. Secunda proinde statim (sicut necesse erat) ex aqua & spiritu medium nobis exhibuit festinatum: & fuit illa generatio nondum quidem generatio quærentium, sed tamen jam quæsitorum, quòd nec scientes

Sermones S. Bernardi.

P p p p

adhuc

*Fervor mun-
danorum lan-
guidos religio-
sos confundit.*

*Alterius ho-
na, non mala;
propria vero
mala, non ho-
na consideran-
da ad custo-
diam humilis-
tatis.*

b Iacob. 4. b

c Hier. 48. d

*Nota deside-
rium & affe-
ctum viri san-
cti Eli è turbis ho-
minum & ne-
gotiorum ad
suos reverten-
tis; à quibus
non raro licet
intuisitus ab-
strahebatur
causa Ecclesia
& utilitatis
publice.*

*Generatio ho-
minum tri-
plex.*

ad huc quærere Dominum, nec valentes ipse quæsierit. Quæsivit igitur nos, & acquisivit in generatione secunda, ut essemus iam populus acquisitionis. Si ad huc forte senior frater murmurat, & invidia contabescit, dicitur ei b. *Quoniam epulari & gaudere oportebat, quia hic frater tuus perierat, & inventus est.*

Cæterum ad hoc statim quæsivit nos Dominus, ut quæreretur tempore opportuno, cum iam posset quæri, posset & inueniri. Væ nobis quoniam tam diu dissimulavimus & negleximus quærere vitam, quærere eum, qui solus bonus est quærentibus se, animæ speranti in se. Væ tibi generatio prava & exasperans, mala & adultera generatio, mendacium usque hodie quæritans, & diligens vanitatem, nec servans fidem cui despontata fueras veritati. Nunquid non opus habet eiusmodi generatio nasci denuò, iterum generari? Et maximè. Nempe genimina viperarum facti, tanto magis nunc necesse habent in ventrem matris gratiæ iterato introire & nasci, quanto facta noscuntur posteriora eorum deteriora prioribus. Gratias ipsi gratiæ, & si dici potest, plusquam gratuitæ miserationi, quæ beneficijs obtinuit non modo immetitos, sed nimium male meritos & ingratos. Gratias ei qui regeneravit vos etiam hac vice in spem vitæ, ut adoptionem filiorum reciperetis. Voluntariè enim nunc propriè genuit vos, verbo utique veritatis. Nam quod prius vos genuit sacramento equidem pietatis, et si voluntarium generanti, genitis tamen voluntarium esse non potuit, in quibus ad huc nullus voluntatis usus, nullum rationis exercitium fuit, ac proinde nulla generationis ipsius agnitus, nulla tanti notitia genitoris. Nunc demum voluntaria generatio voluntarium exhibit sacramentum, juxta illud c. *Voluntariè sacrificabo tibi, & confitebor nomini tuo Domine, quoniam bonum est.*

Hæc est generatio quærentium Dominum. Quærentium, an habentium dicam? Habentium utique & quærentium. Alioquin non possent quærere non habentes. Sed quid habentes, aut quid quærentes? Vel potius quomodo habentes, quomodo requirentes? Verbo geniti, verbum habent. Nunquid non verbum Dominus? Ioannem audi. *Et Deus erat Verbum* d. Quid ergo iam amplius quærit generatio quærentium Dominum? Considera quid sequatur in psalmo e. *Hæc est generatio quærentium Dominum, quærentium faciem Dei Iacob.* Eundem proinde habent pariter & requirunt, quia unus idemque & Verbum Patris, & splendor paternæ gloriæ est. Et is quidem non quæsus haberi forsitan potest, non habitus autem quæri omnino non potest. Denique ipsa est quæ de se loquitur sapientia f. *Qui edit me, adhuc esuriet.* Potens ipse est præstare etiam se non quærenti, qui (ut supra ostendimus) de cumulo gratiæ & benedictione dulcedinis quærit & prævenit ad huc quærere non valentes. Nemo autem

ante

Religionis professio est regenerationis.

a Psal. 53. b

d Ioan. 1. a

e Psal. 23. b

Deus simul habetur, quæritur.

f Eccli. 24. c

Sermones de Diversis.

669

ante idoneus querere quam habere, quia nemo, inquit g *veni ad me*, nisi g *Ioan.* 6. c.
Pater meus traxerit eum. Adest ergo qui trahit, & quodammodo necedum
adest, qui non aliò trahit quam ad seipsum. Nunquam enim nec usquam
sine Filio Pater adest per fidem ut ad speciem trahat. Quomodo ergo
nunc non exultet spiritus meus, quomodo non sine modo jucundetur in
generatione ista quærentium Dominum? Nempe testimonium credibile
nimis gustatæ sapientiæ, est esuries ipsa tam vehemens. Certissima mihi
probatio & indubitate argumentum quia habetis quem sic quæratis, &
in vobis habitat, qui tam validè trahit vos ad seipsum. Non enim huma-
næ possibilitatis est cursus iste, eius dextera facit virtutem, cui semper ne-
cessæ est ut clametis ^b: *Trahe nos post te, in odore unguentorum tuorum curre-*
mus. Non, inquam, ab homine forma ista conversationis, nee aliud expe-
rimentum quærimus eius qui in vobis habitat Christus quam quòd ita
quæratis Christum.

Videtis enim, fratres, qualem spiritum accepistis, spiritum qui ex Deo est, ut sciatis quæ à Deo donata sunt vobis. Audivimus Apostolicum, audi-
mus & Propheticū, etiam & Angelicum, quibus nihil nobis arbitror posse sublimius affectari. Sanè è singulis mihi videor in vobis aliquid & magnum
aliquid invenire. Quis enim cœlibē vitam, vitâ cœlestem & angelicā dicere
vereatur? Aut quod in resurrectione futuri sunt omnes electi, quomodo
non iam nunc estis, sicut Angeli Dei in coelo, à nuptiis penitus abstinen-
tes? Amplectimini, fratres, preciosissimam margaritam, amplectimini
sanctimoniam vitæ, quæ vos efficit sanctorum similes, & domesticos Dei;
dicente Scriptura *Incorrumpio facit proximum esse Deo.* Ita ergo non ve-
stro quidem merito, sed gratia Dei estis quod estis, quod ad castitatem &
sanctimoniam spectat, angeli quidem terreni, aut potius coeli cives: sed
interim in terra peregrini. Quamdiu enim sumus in hoc corpore, peregrin-
namur à Domino.

De prophetia quid dicimus? *Lex & prophetæ usque ad Ioannem*: veritas ait k. Veruntamen non erat ille adversarius, sed discipulus utique veritatis, qui dicebat etiam post Ioannem l. *Ex parte enim cognoscimus, & ex parte prophetamus.* Cessavit ergo prophetia, quia iam cognoscimus, nescimus tamen tota cessavit, quia adhuc ex parte. *Cum venerit m, quod perfetum est, evanescatur quod ex parte est.* Siquidem ante Ioannem qui fuerunt prophetæ, utrumque adventum Domini prophetabant, & quasi neutra adhuc pars salutis in notitia, sed utraque in prophetia erat. Magnum sane prophetandi genus, cui vos deditos esse conspicio: magnum prophetiarum studium, cui vos video mancipatos. Quod illud? Nempe juxta Apostolum non considerare quæ videntur, sed quæ non videntur, sine dubio prophetare est. Ambulare in spiritu, ex fide vivere, quæ sursum sunt. *I. Cor. 13.c.*
Et quodammodo Prophetica.
m Ibidem.

P p p p 2 sunt

UNIVERSITÄTS-
BIBLIOTHEK
PADERBORN

genus, amba-
lare in spiritu
seu ex fide vi-
vere.

sunt querere, non quæ super terram: obliisci quæ retro sunt, & extendi in anteriora, ex magna parte prophetare est. Alioquin quoniam modo nisi per spiritum prophetæ conversatio nostra in cœlis? Sic enim rurum prophetæ olim quasi non inter homines erant sui temporis, sed virtute & impetu quodam spiritus dies illos transilientes exultabant ut viderent diem Domini, & videbant & lætabantur in ea.

• Matt. 19. d
Religiosorum
vita aposto-
lica.

p Ioan. 20. g

q Luc. 10. c
Religiosorum
status subli-
mis, sed peri-
culosa ruina.

r Psal. 104. a

Sed & professionem apostolicam audiamus. *Ecce nos reliquimus o-
mnia* °: & secuti sumus te. Si gloriari licet, habemus gloriam: sed si sa-
pimus, habere curabimus apud Deum. Hæc enim vera est gloriatio, ut qui
gloriatur, in Domino gloriatur. Nam neque manus nostra excelsa, sed Do-
minus fecit hæc omnia. Fecit nobis magna qui potens est; ut merito ma-
gnificet anima nostra Dominum. Ipsius enim magno munere factum est,
ut magnum illud propositum, unde magni gloriabantur Apostoli, magnifi-
cè sequeremur. Forte etiam si in hoc quoque gloriari voluero, non ero inspi-
iens. Veritatem enim dicam, esse hic aliquos, qui plusquam navem &
retia reliquerent. Quid verò illud quod ipsi quidem Apostoli reliquerant
omnia, sed ut præsentem in carne Dominum sequerentur? Non est no-
strum dicere, securius ipsum Dominum audiamus. *Quia vidisti me*, in-
quit p, *Thoma credidisti: beati qui non viderunt, & crediderunt*. Forte e-
tiam prophetandi genus excellentius esse videbitur, non intendens quibus-
cunque temporalibus rebus & transituris aliquando: sed spiritualibus &
æternis; nihilominus in vase fætili thesaurus castitatis illustrior, in carne
fragili ex aliqua parte probabilius virtus.

Ubi ergo Angelica in hoc corpore conversatio, in corde prophetica
expectatio, in utroque apostolica perfectio invenitur: quatenus iste cumu-
lus gratiarum? Quid retribuitis Domino pro omnibus quæ retribuit vo-
bis? Sublimis gradus, sed eo amplius periculosa ruina. Nunquid non tres
celi sunt quos ascendimus? Itaque qui stat, videat ne cadat. *Videbam*, in-
quit q, *Satanam tanquam fulgur de cælo cadentem*. Ex alto corruit, confra-
ctus, & comminutus est, desperata est plaga eius. Factus est spiritus eius va-
dens, & non rediens. Nunquid & vos vultis abire? Satanas ruit, nunquid &
ruitis, vos secum? Quam salubrius vobis stare in vijs Domini, stare in gra-
tia in qua statis. Non enim beatus vir qui non abiit in via peccatorum, bea-
tus magis cuius est auxilium abs te Domine. Ibunt enim huiusmodi de vir-
tute in virtutem, ad videndum Deum deorum in Sion, ad videndum in
bonitate electorum tuorum, ut lauderis cum hæreditate tua. Ipsi nempe
hæreditas, ipsi sunt dij, & filij excelsi omnes.

Itaque, Fratres mei, quandoquidem verissimè certissimeque hæc est ge-
neratio quærentium Dominum, quærentium faciem Dei Iacob: quid vobis di-
xerim aliud, quam quod idem Propheta ait r: *Lætetur cor quærentium
Dominum*:

Dominum : quærerit Dominum & confirmamini : quæreris faciem eius semper ? Et quod alius quidem dicit ¹ : Si quæratis, quærite . Quid est si quæritis, quærite ? In simplicitate cordis quærite illum ² . Non aliud tanquam illum, non aliud præter illum, non aliud post illum. In simplicitate cordis quærite illum. Simplex natura, simplicitatem cordis exquirit. Denique & cum simplicibus sermocinatio eius. Vir duplex animo, inconstans est in omnibus vijs suis ³ . Non potest quem quæreris inveniri ab his qui ad tempus credunt, & in tempore temptationis recedunt. Aeternitas est : quæ nisi perseveranter quæsita, minimè invenitur. Væ etiam peccatori terram ingredienti duabus vijs. ⁴ Nemo enim duobus dominis servire potest ⁵ . Ne hanc quidem duplicitatem amat integritas illa, perfectio illa, illa plenitudo. Indignum enim est ei, ut inveniendam se præbeat, nisi perfecto eam quæsieris corde. Ceterum si odibilis est canis reuersus ad suum vomitum ⁶ , & sus lota in volutabro luti, sed & ipsum quoque quem invenerit tepidum ⁷ , ex ore suo evomere incipit Deus : simulator & proditor ubi parebunt ? Si maledictus qui facit opus Dei negligenter ⁸ , qui fraudulentem fecerit, quid meretur ? Fugiamus hanc duplicitatem, charissimi, & à fermento Pharisæorum omnimodis caveamus. Veritas est Deus, & tales quæsidores requirit, qui quærunt eum in spiritu & veritate. Si nolumus frustra quærere Dominum, quæramus veraciter, quæramus frequenter, quæramus perseveranter : ut nec pro illo quæramus aliud, nec cum illo aliud, sed nec ab illo ad aliud convertamur. Facilius est enim cœlum & terram transfire, quam ut sic quærens non inveniat, sic petens non accipiat sic pulsanti non aperiatur.

¹ Isa. 12. c.
² Sap. 1. a *

³ Jacob 1. b.

⁴ Eccli. 2. c.
⁵ Luc. 18. c.

⁶ 2. Pet. 2. d.
⁷ Apoc. 3. b

Quomodo quærendus Deus ut inveniatur.

S E R M O XXXVIII.

In illud Apost. *Diligentibus Deum omnia cooperantur
in bonum. Rom. 8.*

PAUPERES quidem videmur & sumus : sed si spiritum qui ex Deo est accipiamus, ut sciamus quæ à Deo donata sunt nobis ; magna ab eo gloria, magna nobis est collata potestas. Quotquot, inquit, ¹, receperunt eum, dedit ² Ioan. 1. b. eis potestatem filios Dei fieri. An non potestas filiorum Dei est ista, quando etiam nobis serviunt universa ? Sciebat enim Apostolus ipse, quoniam diligentibus Deum omnia cooperantur in bonum ³. Sed forte dicat aliquis verbum, quid hoc ad me ? & in pufilatimitate cordis sui talia meditetur ; Gloriantur certè de potestate filiorum Dei, in quibus filialis erga eum fert amar, viget affectus ; ut præsumant omnia sibi cooperari in bonum, qui Deum diligunt in veritate. Ego verò mendicus sum & pauper, carens affectu filiali, expers dignæ devotionis. Sed attende quod sequitur. Nullum enim desperationi locū reliquit in scriptura sua, qui alio loco sic loquitur ⁴.

³ Rom. 8. c.

Pppp 3

12